



全集目錄

卷之四 表

賀康王即位表

乞回鑾表 第三

聞詔車駕還闕賀表 第九

聞車駕將還闕賀表 第十

乞回鑾表 第十三

乞回鑾表 第十八

乞回鑾表 第十九



全集目錄

謝御札令縱遣敵使表

謝賜對衣金帶鞍馬表

謝恩詔獎諭表

謝中使傳宣撫慰表

謝收捕稱御前買珠玉榜諭都人表

謝除資政殿學士進階朝奉大夫表

謝賜對衣玉帶鞍馬表

謝傳宣撫慰並賜茶藥表

遺表

宋宗忠簡公全集卷之四

二十一世孫文燦敬修

表

賀康王即位表

二聖蒙塵乾坤改色萬邦俟后天日宜臨亟回謙避

之誠丕慰顛昂之望人神胥慶彛夏聳傳臣 中賀竊

以大宋之應天順人太祖之創業垂統凡奕世盈成

之嗣皆挺生睿智之姿其所以繼繼繩繩莫匪乎兢

兢業業浸久太平之習稍忘禦侮之圖顧大臣熟此

燕安致黠鹵抵滋猖獗信和盟之妄議墮邀劫之姦
謀人咸哀痛而籲天士欲奮張而盡敵然萬方之是
賴須一人之作猷果下恤於蒸黎允上符於穹昊恭
惟皇帝陛下稟虞舜之大孝體周文之小心既不得
已而有臨宜大有為而無倦如陽方復萬物自春似
日初升九幽洞炤嘉靖中興之事業戡除外侮之兇
殘俾孚於休以求至治臣蕭然朽質偶此熙辰屬總
師徒進臻河朔慶雲龍之會阻陪鳴玉之班依日月
之光第切傾葵之望臣無任云云

乞回鑾表

建炎元年九月第三次奏請

臣聞君陳之尹東郊深勅謀猷之告后宋璟之守京
兆極明得失而進言皆所以啓沃君心箴規政闕矧
荷聖人之知眷有懷宗社之安危敢忘斧鉞之誅仰
瀆冕旒之聽中謝竊以天子居九重之奧突非務蒙
塵京師為諸夏之本根當思奠枕倘值艱虞之會未
詳利害之機或輕萬乘以遠巡致駭四方之羣聽則
本根斯弱華夏奚安遠稽唐室之浸微寔乃商鑒之
可擬越自運啓炎宋卜都大梁宅中而包三萬里之

幅員創業以貽二百年之基緒重熙累洽端拱垂衣
非緣三歲之親祠曷見六龍之遠御曩值澶淵之寇
或陳楚蜀之巡賴有直臣卒排異議星奔一鏃膽落
四荒豈圖姦蠹之擅朝繼被仇方之猾夏二聖既以
北狩中都幾至內訌所幸人無離心市不易肆日俟
真人之繼統心傾我后之來蘇果致宗廟降靈上穹
悔禍皇帝陛下天縱上聖運叶中興載纘璇圖增光
火德親屈鑿輿以冒犯霜露躬整師旅以殄滅薶蕩
然行在久留於別都清蹕未回於魏闕逆徒尚熾羣

盜繼興比聞遠近之驚傳似有東南之巡幸此誠王
室安危之所繫天下治亂之所關仰祈聖慮之深詳
宜戒屬車之輕動且以中國之倚恃寔為兩河之盛
疆前自敵騎長驅列城畏遁獨懷忠憤糾進義兵力
抗敵鋒率多俘馘然久闕王師之助援已深民庶之
睽疑近者雖時遣將徂征渡河深入尚闕膚公之奏
先傳南幸之音慮增四海之疑心謂置兩河於度外
因成解體未諭聖懷倘敵人乘之而縱橫則中國將
何以制禦臣叨膺委寄代匱留司茲緣密託於雲天

偶遂救寧於畿甸遠報翠華之移幸深虞中外之難
安願罄孤忠冀回淵聽昔奉春委輅建策猶止洛陽
之都張禹驛馬抗章尚返江陵之駕矧于聖世曷愧
前修伏願陛下秉虞舜察言之明體成湯從諫之聖
輟巡南服回駕汴都以安東北兵民之情以慰溥率
雲霓之望則人神悅豫彞夏謐寧邊陲指日以肅清
盜賊不令而衰息咸資睿斷用杜危機瀝悃扣關罔
避龍鱗之觸傾城拭目佇迎天仗之還願俯徇於愚
誠誓益堅於忠報

臣云云

聞車駕還闕賀表

臣今月六日承遞報車駕將還闕者恭聞明命肅詔
回鑾歡騰率土之誦和浹中天之氣里閭喜悅如嬰
孺之將見慈親道路光輝若翳霾而忽瞻白日人情
至此天意可知

中謝

竊以列聖格言先王垂裕天難

謀而聰明自我人至衆而好惡匪殊但觀自我之是
非可驗匪殊之嚮背是知人所欲者自然天亦從之
所以君子不務小同然後天下能成大順恭惟皇帝
陛下以道觀政以德行仁密韜神武之機獨幹乾剛

之斷整齊萬乘來歸九重宇宙澄鮮預想屢豐之慶
廟堂肅穆式隆宏濟之休昊穹降福以穰穰寰海來
崇而濟濟六軍有雷動雲行之勢四海蒙風驅電掃
之威赫奕重光崇高再造列辟駿奔而抃舞寰區竭
蹶以欽承臣無任云云
建炎元年十月第九次奏請

聞車駕議還闕賀表

恭膺明命肅詔回鑾下蘇後后之情仰對在天之意
蔥蔥佳氣增光二百年之休勉勉遠猷駿惠大一統
之盛佇觀丕應聿享咸寧

中謝

竊以太祖肇基奕世

嗣服並據本根之地宏施實德之風宅四表而率服
吾君奄九有而來崇真主曩緣辰告暫聽時巡知人
久戀於睿慈聚議獨形於英斷欲繼志而述事遂幹
乾而轉坤時方奉於詔書顧忽聞於雷震是天喜悅
為人音聲想衆懽呼應時舞蹈河伯安流而迎駕兩

師洒道以清塵兒童爭提攜於壺漿父老願平治於
道路里閭皞皞田野熙熙收兩河山寨之心鎮遠徼
北人之聽然後御端門而肆赦滌舊染以維新欵宗
廟而告歸儼威容而如在憂勤祖述恭儉緝熙大成
有截之功永以無疆惟恤臣無任 云云
建炎元年十月第十次奏請

乞回鑾表

臣言今月二十四日準范世延等齋降詔命車駕將
欲還闕者比遣屬僚仰輸誠欵薦瀆盖高之聽益懷
履薄之憂睿眷矜憐特賜回鑾之詔愚忠戀慕愈增
僊后之誠 中謝 竊以萬乘來歸六龍扈從兩伯前驅
而灑道河神迎駕以安流不煩夾道之壺漿自有隨
師之甘露人情皞皞如聽南風天意昭昭乃回西顧
再斡乾坤之造重增宇宙之光赫有宋之中興奄多
方而大定想瞻原廟應加肅穆之儀爰御端朝愈見

鬱蔥之氣雍容對越駿惠緝熙宏收率土之歡誕作
普天之宥下所欲者上必從之恭惟皇帝陛下踐祚
應天時巡淮甸備歷艱難之事盡曙勤儉之風謂京
師為諸夏本根而元后作斯民父母念本根不宜搖
動謂父母自合依歸茲俄奉於詔音衆但知於拊舞
願陛下繼志述事整頓萬機願陛下命將出師邀迎
二聖平蕩仇方之窟保全疆場之封坐視穆清時躋
仁壽臣 云云
建炎二年正月第十三次奏請

乞回鑾表

臣言屢奏囊封疊干宸扆聖主未頒於明命愚臣敢
避於嚴誅謹據悃幅之誠再瀆高明之聽願從人欲
以格天休 中謝 竊以京師是諸夏本根元后作斯民
父母本根如已深固則枝葉自爾扶踈父母若未安
寧則子孫無緣泰定茲實簡編之成理蓋非里巷之
浮言始陛下踐祚於應天萬方皆欣其有主近陛下
駐蹕於淮甸百姓因此而致疑何前日之郡縣靖共
而近時之盜賊荒擾繇勤王者弗恤與救駕者靡憐

贊主上遠父與兄乃巡南服助姦臣贖壻與子欲棄
中原石為祗肆於誕謾一事罔繇於誠實迹狀如此
情意可知伏望陛下斷自淵衷早回法駕據本根而
致治體父母以視民俾人自勉勉以來王天亦穰穰
而降福恩霈端門之赦歡收寰宇之心俗既遠罪以
歸農敵亦望風而遁跡王室自茲再造大宋繇是中
興黎民時雍萬世永賴果臣有飾非之語則臣甘誤
國之誅狂妄奏陳憤懣流涕臣 云云
建炎二年三月第十八次奏請

乞回鑾表

臣某言易謂省方書言輯瑞是天子或時巡於下土
邦人可瞻仰於至尊然古今之事勢有殊宜觀會通
而制治况上下之人情至切思聞詔命以回鑾故老
臣再瀝於血誠願聖主早形於睿斷意狂罪大語出
涕零 中謝 臣伏聞先有格言事必師古藝祖應天而
受成命太宗繼志以集大勳列聖所以繼繼繩繩諸
福所以穰穰簡簡實在京師本根之地以為寰宇朝
覲之天端拱而坐九重穆清而朝萬國陛下纘承寶

緒紹述丕圖當奄九有而有為體三無而無外奈有
姦臣之臆說與憑仇方之誕辭忘周宣之中興循晉
惠之往轍天下之來勤王者使去義夫之黥救駕者
弗知兩河保山寨之忠民四方作草竊之賊子皆緣
陛下久駐蹕於淮甸咸思慕於翠華懷抑鬱而籲天
罔聞致猖狂而遷善無路果還法駕大肆鴻恩人當
凜雪以歸農敵亦遁逃而屏跡適追一統之大丕昭
萬世之休茲甚易知而易行勿謂難測而難識但去
阿諛柔佞之語而宏剛健中正之風必天日之炤臨
應祖宗之保佑一人有慶庶績其凝臣無任 云云
建炎二年四月第十九次奏請

庚炎二年四月第十次奏請

惠賜宗之卦辭一人首喪無驚其幾日無到云云

謝御札令縱遣外使表

懷柔遠人親灑宸翰既哀矜於外使復肆宥於愚臣
仰承曠蕩之湛恩但增感涕恭俟熒煌之法駕早賜

回鑾中謝伏念臣垂釣渭濱耦耕莘野居厲舉毛之

志誓端造膝之誠斷斷無他皇皇有素偶承宣於滄

水辱顧盼於潛龍依日月之炤臨見天顏之咫尺恪

據情悃瀝竭論思願戡外侮之艱難力助中興之事

業曩聞敵使祗齎荆楚之書因憤戎心失奉本朝之

意是藉口以覘虛實欲合衆以苟侵陵實不憤於誕

謾遂乞收於圉園庶全國體以爍姦謀豈敢涉於自
專乃上貽於北顧恐懼承旨倉惶改圖文列雲漢之
昭回精神滉漾筆現奎躔之赫奕耳目疏通旋收錯
愕之蒐仰認撫綏之意更聽警蹕永保生成

臣云云

建炎元年八月奏

除京城留守兼開封尹謝賜對衣金帶鞍馬表

猥叨眷獎併冒寵光分內府之衣而副之兼金出上
廐之馬而飾以華較曳婁知感負乘增羞伏念臣濫
中儒科汎駕仕路偶緣遭遇游被使令縈帶為城本
無善策下車搏虎徒有壯心雖殫犬馬之勞曾乏絲
毫之效敢圖異數誤逮孤忠不稱身章尤慙蕃錫此
盖伏遇皇帝陛下法天之健躬攬萬機今日之明光
被九有察臣腹心忠義曲賜顧憐知臣蹤跡羈單每
加覆露故令衰朽亦玷恩榮臣謹當克勵駑庸勉效

綿薄雖逼桑榆之景敢渝金石之心知無不為深戒
容身之計老當益壯永懷報主之忠臣無任

云云

建炎元年八月奏

謝降詔獎諭表

守麟符之兩月方懼罔功下漢札於九天遽叨睿獎

恩言曲逮俯已增榮

中謝

竊惟京邑衆大之居實為

諸夏本根之地封畿廣遠民物浩穰豪疆萃聚而彈

壓當先姦伏紛拏而發摘匪易比在熙平之盛尚稱

綏撫之難况當兵火被毒之餘繼以府治曠官之後

閭閻彫弊綱紀隳頽凶殘罔畏於明刑掠奪公行於

白晝仰勤憂顧誤被東求而臣學昧知方器非任重

徒抱孤忠而許國妄期薄效以報君初抵都畿首蠲

宿蠹鉏耨姦暴剪蕩寇攘良民獲奠枕之安昏夜罕
鳴枹之警悉奉行於條詔偶坐格於謚寧陛下憐臣
帥府叅籌叨塵簪履之舊念臣神州領尹粗宣犬馬
之勞特陞秘殿之隆名仍畀留司之重寄深虞尸素
仰玷倚毘茲盖伏遇皇帝陛下秉如神之智以臨炤
百官體逮下之仁以駕馭羣俊彰德非專於爵賞念
功思奉於綸言冀風勸於臣鄰俾日新於事業致茲
庸陋獲預寵褒臣敢不祇服訓詞恪司管鑰金城雉
堞嚴守禦以增崇甸服田疇咸勞來而安緝經費務
先於實粟練兵敢怠於防秋預畫事宜悉符告戒刻
宸章於琬琰式昭天府之榮觀傳寶訓於雲來永侈
老臣之知遇更殫九殞少補萬分臣無任
云云
建炎元年九月奏

數災示平六月奏

去百之味更舉以顯少蘇萬令百無卦

云云

東章公與廷左即天極之榮購曹寶陪公雲來未外
去公寶粟輸其新息公初煉所畫車宜悉符台無條

謝中使傳宣撫諭表

星使自天玉音在耳恭被聖神之賜頓增畿甸之光
臣固衰微倏望天顏於咫尺人感慶抃願隨獸舞以
駿奔感戴而思涕淚以血

中謝

恭惟皇帝陛下聰明

睿智恭儉憂勤稟天縱之多能亶日新之盛德整淵
衷之孝悌思沙漠之父兄天鑒昭回必助恭行之罰
人心激勵盡懷敵愾之誠因矜浩穰之都遂遣皇華
之命里閭見九天之軺從競夾道以焚香父老聞萬
歲之歡呼但吞聲而飲泣伏望陛下誕宣溫詔早賜

回鑿庶寬大旱之望雲式慰調饑之念食卑誠懇切
輿論傾依臣無任 云云

建炎元年十月奏

謝叔捕開封府稱御前收買珠玉仍出榜告諭

都人表 建炎元年十一月奏

基王化而宅域中端臨萬國躬儉寶以先天丁懋迪
羣黎宸翰誕頒民風丕變朝野識德意之所嚮邦家
知泰階之可期伏讀訓辭第增感涕 中謝 恭以治自
近始化繇躬行儀倡肇黼扆之嚴視聽徹要荒之表
好惡所示治忽可稽弗剪茅茨堯俗於變躬履華舄
漢治勃興深惟治化之端實以樸儉為本恭惟皇帝
陛下秉德紹統建極御圖誠意正心以齊家國復樸

敦本以律士民念國步之猶艱慨民俗之浸靡克勤
克儉去泰去奢屏服用玩好之竒聚左右圖書之富
申嚴厲禁豈特却璀璨之珍昭示儉純盖將揚絲綸
之化農知重穀而力穡士知守義以遵繩革蟛蜞之
僭奢成行蒞之忠厚一人表正四海風傾臣猥以菲
才誤膺繁使惟知樸直以報國不敢偷薄以示民仰
聖訓之丁寧激孤忠而抃躍臣敢不播揚純儉之化
恪遵禁令之嚴一道德以同風冀追太古修政事而
攘敵行見不平臣無任 云云

謝除資政殿學士進階朝奉大夫表

秘殿參華文階序進繇被湛恩之厚靡容瀝懇之辭
荷寵若驚撫躬增愧 中謝 竊以真皇御宇之際景德

紀年之時將優待於近臣乃肇修於新職學士有資
政之號朝廷為盛事之傳舉茲以旃名稱至重若樞
廷之均逸始獲新除非丞轄之辭榮未嘗輕授豈意
衰遲之跡亦叨超躡之恩伏念臣天賦樸忠人推愚
直方帥幕宣威之日嘗贊運籌暨帝暉繼炤之辰誤
蒙序爵興言遭遇良劇兢凌俄分青社之符旋拜夷

門之命就司留鑰俾衛上都初無槃木之先容實出
冕旒之獨斷忠懷子翼不忘河內之孤功謝節侯豫
謹關中之守深慚么麼曷副使令敢圖繼被於褒章
濫賜比蹤於前哲顧惟宿姦之讒箭無以中傷乃如
大佞之笑刀莫能潛害爰念保全之德每懷補報之
恩敢望崇資游加朽質循墻欲避渙汗難回茲蓋伏
遇皇帝陛下堯舜性仁湯文義洽慶賞刑威之馭衆
尤先崇德而報功聰明睿智以臨人固不泄邇而忘
遠宜收簪履用慰桑榆光華顯設之榮恐懼褒優之
過臣謹當堅持晚節愈激懦衷讀回鑿之詔書但形
鼓舞感懋官之德意誓竭靡捐臣無任

云云

建炎二年二月奏

謝賜對衣玉帶鞍馬表

趙襄恩懋官之盛意誓駭龍能臣無非

云云

豈曰韜當望卦與前愈熾酬京饋回鑿之請書野

謝賜對衣玉帶鞍馬表

服思不稱始貴身章馬志無疆方為駿骨况帶被堅

玉之飾而鞍如華較之榮仰荷寵私倍增慚惕

中謝

竊念臣蓑衣冷族駑厩下材本操耒耜以耕零偶備

驅馳而獵道恭承褒字已驚在笥之羞景仰天飛尤

激戀軒之望既免回旋而見肘敢忘夙夜以加鞭茲

盖伏遇皇帝陛下天道覆臨萬邦衣被乾剛運動四

海駿奔灼見三有之心迪知九德之行致臣衰朽亦

被恩榮臣敢不曳婁懷慚負乘知愧素絲可效誓堅

正直之心小駟無能願竭周旋之力臣無任 云云

建炎二年二月奏

謝傳宣撫諭并賜茶藥表

建炎二年三月奏

重華睿使溫潤訓詞仰膺覆燾之恩曲示眷憐之意

孤忠鯁槩誓戡外侮之殘直道對揚庶贊中興之盛

此誠激厲但涕交零

中謝

竊以太祖太宗基命定命

其肇造本根之際必參稽年世之占卜既協於休祥

事乃臻於泰定所以繼繼繩繩之治無非巍巍蕩蕩

之資累聖緝熙億年駿惠逮陛下入承於不緒偶大

臣密奏於偏言託曰時巡意圖偏伯忘宗廟朝廷之

重違神明天地之心棄大一統之規模毀二百年之

基業且天下是陛下之天下彼姦臣何恤於存亡如
京師是陛下之京師想儉佞安知夫去就但知親屬
歸在江湖寧顧中原變為翳荻臣繭然衰憊強爾支
持曾無毫髮之功徒竊乾坤之造金符剛正同有闕
文密緘蜀市之珍寵錫建溪之異仰叨殊眷願畢餘
生但知力竭以報一人豈顧狂迷而忤三事伏望陛
下奮乾剛之獨斷敷離炤以旁觀特出宸衷早回法
駕俾四海謳誦而來享使萬民竭蹶以嚮方用承滋
至之休永貽無疆之賴臣無任云云

遺表

心期許國每輸扶廈之忠死不忘君猶積戀軒之意
鳧鳧將離於形體精忱願達於冕旒中謝伏念臣猥
以樸忠受知淵聖擢自困躓羈窮之際付以寇敵往
來之衝適遇陛下出總元戎察臣粗著勞効坐籌密
計俾臣得預屬僚逮夫踐祚之初首錄孤危之跡寇
攘未泯暫為淮甸之巡宗廟斯存委守留司之鑰力
小任重志大心勞誓殄仇方再安王室但知懷主甘
委命於鴻毛無復偷生期暴尸於馬革夙宵以繼寢

食靡寧斯民獲奠枕之安北馬無飲河之意事為紛
至黽勉惟多回視頽齡已迫桑榆之晚景益堅素節
每期松栢之後彫豈謂餘生忽先朝露尚扶病以治
事敢愛已以顧私陰陽之寇游深藥石之功莫效少
延殘喘庶畢願言昨有招安到揚進等約其衆多無
慮百萬昔嘗為寇頗聚衆以震師今已革心欲為國
而戡難足踵道路雲集都城已涓吉而戒塗擬成功
於指日干戈未舉舟壑忽移神爽飛揚長抱九泉之
恨功名卑劣尚貽千古之羞仰憑睿眷之深必無生

死之異囑臣之子記臣之言力請回鑾亟還京闕上
念社稷之重下慰黎民之心命將出師大震雷霆之
怒救焚拯溺出民水火之中夙荷君恩敢忘尸諫顯
昂法座無繇再望於清光枯朽微生從此永辭於宸
扆臣得八規并前後疏謹繕成一冊隨表囊封投進

以聞臣下情無任

云云

建炎二年七月奏

哀炎二平少民奏

以聞百不辭無卦

泉百野八財并前新服鞞鞞一冊對朱囊挂姓並

昂去空無藉再望外散米計計端坐於北亦編於家

慈妹焚淋雨出月水火之中夙荷厚恩煩志只轄購

念并野之重丁懋黎丹之心命科出補大霖雷震之

張之吳觀百之子晴百之育女請回鑿亟尋京關土

全集目錄

卷之五 記 銘 序 文

賢樂堂記

重修英惠侯義濟廟記

義烏滿心寺鐘記

義烏景德禪院新建藏殿記

汝賢兄墓志銘

陳八評事墓志銘

陳公墓志銘

葉處士墓志銘

夏氏族譜序

寧國長老語錄序

告金天廟文

宋宗忠簡公全集卷之五

二十一世孫文燦敬修

記

賢樂堂記

巴別乘治廨之北有地數畝荒穢不治其日久矣自
熙寧命倅以來凡更二十餘政間有好事者足跡及
之往往掩鼻蹙額唾之而去其他則未嘗過而問也
宣和六年春朝廷以僕承乏郡貳視事屢月日有暇
矣因一訪焉為之躊躇四顧怡然有得于心者噫天

下佳處嘗藏於衆人不識之地而臭腐化為神奇且
物有是理則茲境也未必不待我而後顯又烏知僕
之意不出於造化之所使耶於是斬荆棘鋤蓬茅易
敗壞泄汙潦因高而基之就下而鑿之首構一堂獨
擅羣勝四山回環如列屏嶂爭雄競秀來入目中巖
花春盛木葉秋落於此可以鑒榮謝岫雲朝出林翮
暮歸於此可以喻出處非特是也堂之東濬為方池
植竹以環其峯強名曰竹溪臨溪為小閣曰思逸
於是可以想見徂徠之侶依翠陰俯清漣放浪沉飲

高吟大笑於清聖濁賢之間脫然遠跡於聲利之場
也堂之西澗為曲池種桃以複其島強名曰桃溪跨
溪為小橋曰訪隱于是可以想見武陵桃源流水
瑩碧落英泛紅漁舟之子訪昔隱人夜半月明翫清
骨冷洒然如出風塵之外也堂居其中衆美并見因
榜之曰賢樂有客登堂而笑曰賢者之樂固如是乎
僕因莞爾應之曰然客固不知也昔者惡木蔽天不
剪不伐梟鷂捷鳴於其上今則桃李成蹊松栢如蓋
春鶯鳴秋鶴唳矣昔者蔓草據地不芟不夷蛇虺蟠

伏於其下今則蘭杜夾徑芙蓉滿塘鴛鴦游嘉魚躍
矣方時序之良景物之美揖賓友而進之游目堂上
縱步堂下無復敗人意者賞心油然而生矣或舉白痛
飲或揮麈劇談或射或奕或琴或嘯披襟清徑弄花
香渚終日與魚鳥相樂恍然無異濠梁之觀海上之
游也此其所樂人之所同者也若曰是地不過數十
步山得無謝崑崙之高乎水得無謝雲夢之大乎堂
得不為大廈眈眈者羞乎不知一拳之石與泰山同
體一勺之水與滄海同性堂高數仞椽題數尺亦古
人得志者所不為而吾耳目所寄方寸所寓自有至
大者存雖在環堵之間曠兮曾無異乎廣莫之野無
何有之鄉也此之所樂已之所獨者也人之所同其
樂自外已之所獨其樂自內二境雖不同要之非賢
者則不與知也客改容謝曰斯堂之名真得之矣余
內外俱進矣願紀之以告予之僇僕曰諾於是乎書

重修英惠侯義濟廟記

巴子之國遠在西南一隅封爵卑而土地廣自秦伐蜀時師還滅之以其國為郡曰巴郡西漢因之列郡境為宕渠等十餘縣東漢又於宕渠之北置漢昌縣元魏延昌中遣將平蜀始以其地為州曰巴州則今之巴州實昔巴郡之屬封也故州有巴郡太守嚴將軍事劉璋名顏没千有餘載巴人事之如存歲月追祀而歌舞之若嘗親見其人躬被其惠澤不可忘者凡過其門無老壯賢不肖必以手加頂至于再三如

神真在其上以至雨暘之愆疾病之苦率詣祠禱之無或不驗前後郡太守數上其事于朝朝廷嘉之既錫之廟號又封之侯爵其所以旌寵神德至渥也宣和六年春僕被命出佐是郡下車之日謁于侯廟禮甚恭明年春閔雨秋復潦皆有請于神昭答如響歲則大熟又明年郡國修常祀僕至祠下視其堂廡弊甚因顧其屬曰嚴侯實在祀典且有德于巴人今棟宇傾壞支以他木上漏下濕不庇風雨人不可舍其下神其肯安之乎傳曰誰敢不齋肅恭敬致力於

神矧是州年穀屢豐朝廷德澤下流饑者哺勞者息圉圉空虚盜賊不作民安且治矣致力於神適其時也乃擇屬吏之事事而敏者委以完繕且戒之毋取於民毋勸於衆縣太守而下爭出俸錢以助其費數有差皆不約而從也始事之日羣心欣愉工不俟呼而集材不俟鳩而足陶甄致良剗剗致巧易腐以堅代撓以直增卑而使高廓隘而使廣歆者正之潰者起之昏汚者飾之晦朔不再匠氏告成僕乃率僚佐敬而祀之僕親為祝辭以告之禮成就次衆皆曰事

神若是謂無負矣衆謂僕紀其事僕曰然夫智有餘者常不足於忠勇有餘者常不足於義僕竊謂嚴侯兼之方先主之將入蜀也劉璋既遣法正結好發兵協助逮其來也親出都城三百里與之會飲百日璋已墮先主彀中曾不少悟侯獨拊心嘆曰所謂獨坐窮山放虎自衛非曰智而忠乎及張飛擁大兵而西勢欲吞噬巴蜀郡縣聞之不棄城走則關門降惟侯領一州之卒以死拒敵力屈被獲猶數飛而罵之且曰我州有斷頭將軍無降將軍飛怒將斬顏色不變

終不少屈非曰勇而義乎嗚呼侯之赤心烈火之赫侯之勁氣金石之堅智足以謀而惟忠是效勇足以斷而惟義是為使之遭盛時佐明主任之大事假以重權必能奮不顧身行其所志而盡其所長勲烈之偉名節之顯當與古社稷臣比肩矣惜乎生而不幸委質於僭竊之牧使功名不顯於天下死而不幸史臣不為立傳本末不見於後世僕每讀張飛傳見侯行事未嘗不廢卷太息而為之橫涕也抑世之士大夫有以柔聲媚色期就軟熟巧為進取冒蠟華要或

不得已而補外猶竊名藩巨鎮坐尸寵祿一旦事出
非意神氣駭奪莫知為計其至於變服雜庸匿田舍
中以幸苟生俾一方生靈魚肉賊手國家果何賴於
鼠輩為哉然則嚴侯之忠義誠可尚也宜乎血食巴
土萬世而無替

義烏滿心寺鐘記

如來以大悲心欲令衆生於十二時中因耳所聞生
利益見不為欲所沉迷不為邪所障蔽斷除惡念滋
種善根於是建置洪鐘以時撞擊俾有識無識虛懷
聽受隨所聞聲夤緣入道譬如雷霆蟄驚凡牙甲昆
虫悉皆感悟所以者何日將旦羣動咸作奔趨爭逐
擾擾競前於是警之廣令衆生起戒懼心暨至食時
饑火煎迫噉涎貪噬腥羶無厭于是警之廣令衆生
起齋潔心日之方中交易為市矜智嚇愚籠絡利已

于是警之廣令衆生起方便心昧谷斂昏陰邪氣盛
一念差誤為盜為淫于是警之廣令衆生起畏懼心
至夜未央神識俱晦夢想顛倒莫覺莫知于是警之
廣令衆生起修省心人之云亡氣魄隨去俵俵冥行
莫知所趨于是警之廣令衆生起依歸心如是一等心
悉繇中起念念勿絕證無上緣因知衆生因鐘以聽
其聲因聲以考其意因意以明其心因心以會其道
如來所寓思弘濟人滿心古精刹也形勢盤礴據湖
山之勝舊雖有鐘形度小瑣發響焦急無從容韻寺

僧有宗徧募檀越弋陽主簿葉天將捐財唱之寺衆
環喜和者沓至於是大體鈞模采鳧氏法規天地以
為鑪翕陰陽以鼓氣回祿騰焰飛廉助威熠燿璀璨
融爍銷液神施鬼設一瀉而就頂蟠蒼虬蠖蛇鈞擲
微以金索懸置擊之隱隱闐闐滿虛空界應四生六
道濡滯幽冥聽此法聲悉皆解脫茲勝事也樂為頌
云

人得是身不自愛重貪殘暴忍長惡弗悛劫劫輪
回歷盡苦報如來悲憫以鐘代言俾衆生聞警覺

省悟隨聲懺悔滋益善心予適宰官代佛宣說願
咸諦聽無量無邊

宣和甲辰十一月十八日癸巳記

義烏令熊人霖曰公忠義得于性學顏淵季路
嫡派正宗而時獵釋氏之精以助我法此鐘記
分明從戒懼不聞鷄鳴平旦中討出不第作海
潮音也正德間寺改為文廟三乘金鏡地頓作
千秋木鐸天殆此記文心實陰啓之耶鐘猶在
明倫堂西序之懸欵識隆隆古色炤人向亦無
人知為宗公手澤者余每朔望登堂鼓鐘與羣
弟子起恭敬心隨聲滋益肅然先覺之言提其
耳也

其出

帝于時恭熾心劃葺慈蓋廣慈於覺之言辨其
入味盛宗公平戰昔余每臨望登堂楚戲與羣

義烏景德禪院新建藏殿記

夫百億妙門三藏為總大哉利生之本不可得而思
議也如來出世以大士因緣示悟衆生繇一道清淨
用一音演法機感不同而所聞亦異故五時五味半
滿權寔圓機定假之義播列諸部星躔霞布沒世不
能誦其文終身不能發其蘊於是彌勒大士闡大方
便聚諸經以歸三藏使流通教典盡載一輪塵沙法
門同歸一揆倘衆生信而揚之則不須朝講暮習於
彈指頃間含受法要心怡神悅蕩釋諸苦發探蒙愚

展迥聾瞽復性命之真救迷妄之失可不謂無窮之
利乎烏傷之北附縣一舍有院曰景德肇荒於唐山
主琳師始建經藏寫經律等僅一百函師歸寂缺而
不講越治平二年院之徒契湜徧募士庶經滿其數
置函五百成卷五千有八星環金晃墨寶珍嚴燦然
煥赫顧舊藏不足以容時竊景慕至元豐中居士葉
詵崇信佛法誠謂長者一旦發念出家聚材孱工作
轉輪以廣其度住持沙門契海又化檀信益為經理
其屋十八楹越二年畢乃告成隆廈廣闊飾以珠貝

華輪盛麗負以虬龍窮極雕繪間錯文藻內外一新
遠近信伏四方之人皆得轉輪是猶振風之過衆竅
甘雨之成百穀然後美根長固惡蔓除滅芬芳嘉實
皆得饒益設有下愚至賤之人若見若聞或瞻或禮
隨其根莖各有所潤譬夫饑者入太倉觀夫穀粟雖
未得食固知可以飽其饑矣病者之藥肆觀夫劑料
雖未投藥固知可以療其病矣以此法味永施衆生
則饑能充而食難盡病有止而藥無窮究其旨歸何
須外求周旋於方寸運動於日用從容中道左右逢

忠正堂世系 卷之五
源動無所牽止無所累行無所遮奚俟輪哉今觀葉
氏所謂藏者如是如是至於布琅函列朱軸誠為除
衆生饑病方便法也

銘

汝賢兄墓志銘

先大夫四子嶧灝二弟皆少亡惟兄與某自幼歷艱
辛某既忝一命惟兄服勤力穡肯播肯穫以克幹裕
厥家某嘗媿弗獲朝夕相從事意謂投老當奉几杖
於東臯西疇優游以憑化遷及方丐宮祠浸圖為休
致計不幸以罪斥繼而睦寇竊發橫肆焚劫衣冠良
善尤被害兄逼兇焰遑遽挈妻孥奔避山林間昏夜
迷誤因溺死實宣和辛丑二月二十四日也是時路

尚梗迨閏五月始聞訃嗟乎兄之積行乃罹斯禍耶
某失怙恃繫兄是賴聞問痛弗自勝即寄書諭稷曰
汝父存某既不能相倚以生今亡又不得撫棺號慟
以盡哀所可報友愛者惟襄奉耳汝舉葬宜俟其躬
與執紼庶酬夙志稷卜地協吉泣血來告某啓緘梗
塞且自言曰吾尚忍銘吾兄耶然義不當辭兄諱沃
字汝賢世為婺州義烏縣人曾祖惠祖拱皆不仕父
舜卿贈朝散大夫母劉氏贈太宜人兄始娶劉氏先
兄卒再娶時氏享年六十有七兄天姿夷曠撥置邊

幅直情徑行靡所阿徇事親孝於飲食起居際時作
諧語慈顏每為輟然一笑平居怡怡無慘沮意甘踈
淡氣不下人未嘗以圭撮干親舊亦未嘗以點墨擾
州縣喜賓客曾不顧供具有無朋游中有倚豪富作
氣勢陵轢貧下或揜其不善而見其善者兄於廣坐
中直以理折之彼雖暴戾心自媿服鄉人欲作一不
義事必先畏縮曰宗汝賢知之定衆辱我矣以是俗
多敬慕五子曰禹兩貢於禮部曰契年少俊爽皆先
兄卒曰稷謹愿有志趣能訖大事曰臯曰夔皆勉學

忠正堂世系 卷之五
稷卜宣和丙午正月乙酉塋兄於同義鄉新塘原泣
而為之銘銘曰

兄任直心不生虛妄惟是寡求故氣不喪諸子詵
詵蔚有趨向善之所鍾神自來相他日錦章賁松
阡上歸安茲丘慰斯人望

陳八評事墓志銘

某先父行已謹且信不泛交游與公相厚善情好既
篤遂結為姻家今公之孫賜以書告某曰賜祖安厝
有期願丐銘藏諸幽暘某甥也某公壻也義不可辭
公陳姓系出有媯世為婺之義烏人曾祖祖父皆晦
迹不仕公諱裕字寬夫天資莊重不妄喜笑不輕然
諾孝於親母年九十餘公下氣怡聲左右承順起居
飲食必躬省視出入戀慕不啻如童穉時二兄一弟
踈懦不立公俯仰友愛相怡怡至老不少懈嘗聞禮

記云母不敬公曰嘻果能行此一句即不失為善人君子某幼聞是語暨長觀公提身接物循循侃侃其與隣里不問長少必委蛇致恭母敢慢有以急難告者隨分周濟見樵牧子亦推誠遇之使僕妾未嘗形之色聚族數百指閨門雍肅中外姻戚咸以長者稱娶劉氏享年八十有六某年某月某日以疾卒于正室垂死神識冲靜殆平生樂善寡慾之致也男六人曰什和易孝友踐履如公曰錫處太學以文行馳名及進士第朝廷除復州教授二子不幸皆先公卒曰

伋曰備曰成曰鏜咸修謹克家女三人長適劉哲次適宗嶧幼適某孫男七人長孫宗哲醇厚可喜亦少亡次宗暘以武舉進士第試吏密之安丘尉方力爽邁當塗文章薦之曰宗益曰宗臯曰宗禹曰鵬曰昭兩預鄉薦孫女十人曾孫男一十七人曾孫女五人伋備成鏜卜以政和丙申某月某日塋公於祖塋之側某自幼與公子錫游且係葭蓍之末知公之所存為詳銘曰

修之家其德乃真盟之獨其行乃惇嗚呼如公是

宜慶流衍溢而俾子孫振振

陳公墓志銘

公處麗水人幼喪母隨其父僑寓因與先人遊遂相
結為義兄弟某省事即尊奉公若叔公撫視某猶子
也後雖為姻家而眷眷克恭如念天顯未嘗一日替
先人中疫氣病幾死至親無肯過門者惟公不忍離
側凡藥餌必嘗而後進某護先人喪歸自膠水公迎
之路撫棺號慟哀感行人先人諱日公躬走佛刹
薦奠以叙追悼意公與先人自幼至老自老至死已
死且不忘每語及必梗塞泣下嗚呼公有實德於某

曾未一報今乃云亡墓隧之刻非其其誰宜為公諱
允昌字得全今為嫠之義烏人三世皆不仕曾祖桓
祖生父居昱母魏氏公父某尚及見之龐厚溫粹與
人侃侃言必以誠獨生公公娶霽溪潘氏先公卒公
自幼特立嚴正而和䟽通而信惟喜佛思淨覺心求
寂滅趣於是屏居小室宴坐湛然離諸染著凡所酬
對取靜為證無毫留礙事如老尊宿常梵行者一方
鄉人有訟必質公公為剖析理道定論曲直又飲之
酒以和之故兇悍狡獪愧服無復敢譁間有窘乏不

吝假貸息慢者諭以勤浮侈者諭以儉漫浪不謹者
諭以修飭不獨隨宜周濟而必寓之教焉里有喪不
問識與不識常備棺槨以副其求若急難所需無少
難色以是鄉人依歸愛慕若踈若戚若遠若近咸不
言姓名止以公稱之惡少不逞輩不敢造公門或持
縣檄至必唧唧下氣怡聲惟恐公聞知此非有力脇
持之也皆自心悅誠服如是爾公享年八十八未亡
前一月屏去茹葷浸不欲食但飲沉香水三日百無
所苦神識不亂以宣和壬寅十一月十二日若睡而

逝茲迨學佛積善所致然也公一子一女子昂迪功
即前任邵州新化簿公薨背後哀苦毀瘠去公九十
日而卒女適遊士傅璨孫詩懋於學公不欲其去膝
下強納粟為太廟齋即曾孫敦仁敦義敦禮敦智敦
信曾孫女四人卜以宣和癸卯十二月乙酉葬公於
永安鄉下岩原使來乞銘某不敢以廢學辭謹為之
銘銘曰

公坐一室心有內觀了知六塵皆見幻妄故於財
色盡欲遠離方寸泊然清淨圓滿公無所往予復

何言茲強銘公聊示爾後

尊翁之懷惟某深知之故樂為之銘數日究心
方能成此切不可令人改動一字如不可意請
托能者別作仍為寫一本燒靈前庶少慰亡靈
至扣至扣某上聞

至味軍味其土間

井前昔限於河為黨一本熱靈簡燕少憾于靈
子前知北味不可令人如煉一字不可意請
專命之刺其取味之姑樂為之驗樓日空必
同言茲嚴論公慨示爾對

葉處士墓志銘

公諱桐字彥倫其先睦州人五世祖徙居婺之義烏
後宅里人祖迎父遜潛德不仕公天資沉靜偉特始
居貧約生理日蹙因擇地之廣口見層巒沃壤築居
其間治家先勤勞不妄取諸人而生日裕不私蓄諸
已而用必舒本末緩急咸得其宜常自言曰養身可
矣養其心者可失乎為今計可矣為厥後計可緩乎
觴詠固可樂豈若田園之樂深籬金固可積豈若詩
書之積久乃依山原緝園亭四方賓客過其門者延

之無虛日一時英才碩德咸發胞中之蘊與其子孫
遊講明為學之方皆嚴整無他好公亦游泳其間讀
古人典要自得真趣鄉里皆稱為處士紹聖元年四
月以疾終享年七十有五娶錢氏一子曰琳克孝克
倫不幸先亡公哭之慟雖諸孫敬養更侍甚於平日
終鬱鬱不釋嘆曰每期諸子事余終某天年今若此
非天喪我乎未甚遂亡一女適駱氏孫男四長義鄉
貢進士次策筠太學生幼筮三年十月甲申塋于邑
之永安鄉方丈塢余嘗受知於公之季氏熟公言行
來請銘迺弗果辭銘曰
氣偉特兮性溫厚躬儉約兮致豐厚樂田園兮得
所守資詩書兮貽厥後與山岳兮齊其壽石可壞
兮銘不朽

序

夏氏族譜序

氏族之有譜存乎其人而譜系之無遺也存乎其修
又存乎其合夫苟無賢子孫則不知尊祖敬宗之道
收宗睦族之意而譜無所作則必披遠追求以衍正
脉於將來者幸而既有作矣使繼之者不得其人則
越世而不知續修雖修之而不合未免近詳而遠畧
此是而彼非姓源失真族類踈濶昭穆莫辯名諱不
知同姓相視為途人異姓冒認為同派其弊有不可

勝槩者矣又豈盡善盡美之書哉夏氏之譜其庶幾乎吾於是而知氏族之不可以不譜也又知譜不可以不修不可以不合也咸存乎其人耳為夏氏子孫者其尚勉之

寧國長老語錄序

趙州栢子果是分明靈雲桃花更無疑惑一宿不為迅速九年未是遲延萬法只是一門千口豈有两舌寧國堂頭宗乘東道覺路南車儒釋兼通死生了達包藏無礙常發大慈悲心度接有緣默傳正法眼藏如某愚昧願師提撕濟我無底舟航還我未生面目深悟筌蹄之要證此上機姑有土苴之餘寓諸方冊

文

告金天廟文

維嶽雄峻維神司之雲雷翕張神固專之作帝金天
號位高明云胡狂醜竊我盛名夫金者奠方則為西
制噐則為兵論幣則為上鍾人則為英厥號耿光可
享維神彼魯無知擅于厥身匪國之殃繫神之讐言神
弗殄誅為神之羞大發陰兵百萬其師怒目張牙龍
甲豹皮曠弩橫刀鐵騎沓馳助我羸熊戮彼鯨鯢神
以獨尊祀以不隳借神威靈一掃無遺

全集目錄

卷之六

賦

詩

雜文

古楠賦

撫松堂賦遺王居士

五言古

東上辭松楸

感時

謁華嶽

渭南道中感懷

贈鷄山陳七四秀才

七言古

感時

道逢散卒述懷

題獨樂園

五言律

雨晴渡關二首

過潼關

道逢鄉人笑騶馬瘦

五言截

題盤豆舖李翁園

七言截

葵妻京峴山結廬龍目湖

曉渡

華陰道中三首

至洛

華下

馬上口占

蚤發

六言

舊作感懷

述懷二首

題趙園

雜文

撫慰京城士庶檄

散示陷沒州縣榜

散給契丹漢兒公據

散給被擄民人公據

請寧國再開堂疏

請海長老住蘓溪崇德疏

請舉老住滁州寶林疏

為華州作延請晝老疏

麻衣寺瘦佛畫像贊

題珣師休牧軒頌

千手眼大悲偈

覽鏡偈

佛說偈

盧行者偈

宋宗忠簡公全集卷之六

二十一世孫文燦敬修

賦

古楠賦 有序

巴城之南山有寺曰南龕寺之外有大木曰楠其
生甚久唐刺史嚴武御史史俊皆有詩調刻于龕
腹嚴曰臨溪挿石盤老根史曰結根幽壑不知歲
自時迄今又數百年邦人謂之古楠宜矣僕到官
之三月兩至岩下讀史嚴之清什感是楠之老於

岩谷而可憐也因慨然操筆而賦

楠之生兮層崖之中巔詢之人兮不知幾何年包堅
根而下蟠兮貫頑石而澈沉淵竦修榦以上凌兮並
孤岑而叅蒼天大枝崛起兮虎豹拏攫小枝回屈兮
蛟螭蜿蜒黃葉敷陰白晝沉沉輪廣十畝蓋穹百尋
衆鳥托宿鄧林非深諸卉仰庇荆雲非陰雨濯瑩兮
一塵不染風振響兮海潮同音露下兮鶴唳月明兮
猿吟擅此清致亘古迄今有客戾止惻然動中吁嗟
斯木之異兮有不遇之窮爾胡不生於泰山之側秦
帝東封會風雨之是避豈以五大夫之號而封松爾
胡不生於周成之宮禁林九重顧親賢之是戲豈以
封國之瑞而剪桐爾胡不生於分陝之域舍彼召公
未必以甘棠之蔽芾流詠於國風抑亦豈無二師之
良識爾材之非常用之為棟梁則足以建九重之明
堂用之為舟楫則足以濟巨川之汪洋用為宗廟社
稷之器則足以叅鼎鬲交神明薦至德之馨香夫何
默默而甘老於窮山寂寞之鄉徘徊其下恍若夢兮
心駭而目眙蒼髯偉人瞑目視曰噫謂子知我乃不

吾知吾生於斯長於斯始于毫末至于十圍雨露不
吾遺霜雪不吾欺春兮秋兮吾不知代謝之有期漢
兮唐兮吾不知興亡之幾時柯葉顏色曾無改移過
者千百睥睨焉不以吾為樸櫟輩待之斧斤之害亦
幸不罹吾受天地造化之恩孰有等夷子之不智而
乃我悲使子處此復將奚為吾非不知強自取藏
器以待時而動老當益壯自任以天下之重倘匠人
斲而小之能不浼然而悔痛乃所願比不材之樗同
平無所用若曰不遇自有物主之非吾所能為姑亦
付之一夢客聞之釋然悟曰達矣夫斯言可書紳而
求誦

撫松堂賦遺王居士

嵩少之麓萬松鬱然偃高盖以鳴風盤深柢而切天
却揮斤於睥睨欵化石而頑堅悵莫致之華我林泉
發聘士之幽尋課畦丁而小遷培拱把而氣藏運桔
槔而智圓寓修身於種藝戒除惡於蔓延期百尺于
歲寒扶大厦於將顛眷焉撫之倚筇於膏薈翳其成
森若巖谷且漑且壅濯我喬木或攢膏而為酒或飛

烟而取墨或採脂以儲藥或祈明而代燭或盤縷以
為扇筴或折枝以當塵玉倘聘士之見須効尺長於
必錄我觀此物礫落節目擅巨棟於廟堂備行艫於
海瀆用扶危而利涉肯收功於芒粟肖象伊何萃於
一庭蒼官侍坐青衣侑尊鼓琴瑟於晚吹晃屏幄於
朝暎聘士顧之內娛外忻陋軒駟之飛馳避門箔之
炎薰我觀此物受命不羣稟直氣以自如信孤標之
獨尊聳若高才儼如正人思仰止而企及罷童語之
紛紜苟好尚之不移質是非於老生姑置勿談羽服
綸巾時矯首以怡顏毋折腰而役形處身世於無心
看出岫之飛雲以聘士為後來之淵明也

香出岫之飛雲以甄士無對來之際
中却辭首以計蘇母休甄而益派
良世終無心

五言古

東上辭松楸

八年坐親黨泯伏長安城甘心傍松楸
申我兒子情閉戶慨岩廊讀書笑金籬
力田固為政課童乃司兵深病骨相寒
不蒙軒冕榮維天臨萬邦搜羅世豪英
我友挽出之大人今繼明古無忠孝全
泣涕去丘塋為翁大門閭翻然以東征

感時 有序

北騎長驅京邑阡危此忠臣義士痛心疾首勤王

報國之秋也而宰臣遷家郡守踰垣縉紳士大夫陸竄水奔使人主嬰孤城以自守無一犯難者事小定矣而上書獻策之人亦未有慨然以諫者世道之衰一至此乎太息之餘以詩自道
卿士辱多壘天王憤蒙塵禦戎要虜將謀國須雋臣
百戰取封侯未必亡其身懷奸廢忠義胡顏以為人
吁嗟世道衰大僂加縉紳平居事奔競梁汴紛雲屯
一旦國步艱四迸如星繁輔相已擇棲守令仍踰藩
冠蓋陸西竄舳艫水南奔鄙夫用慨然策馬趨修門
勤王羞尺柄悟主期片言時來倘雲龍我冠拜臨軒
逶迤上玉除造膝伸元元措世於泰寧歸來守丘樊

謁華嶽

楊賜嶽所挺嚴武金天晶二子為時出顧我非炳靈
維嶽鎮四方氣秀天骨青截嶭立千仞力能產公卿
降神詠崧高纖緯仍反經取象到執珪譎怪如洞冥
平生笑窮竒立語心自驚我質培塿耳胞山固崢嶸
誰言華嶽高我山摩玉京是中所包藏丹碧參瑰瓊
平居蟄雲雷飛雨溢四溟此豈真有之落筆紛縱橫

發我文物秘象渠膏澤傾太華屹不搖我山身載行
渭南道中逢二蜀兵出印本手詔司馬溫公范
文正公贈太師外祖丞相贈太保悲喜交集
慨然賦詩

我君肇當陽儉佞畢退聽示民以好惡觀此第一政
恭惟司馬范二老文且正堂堂外王父九牧稱無盡
宸章粲褒賞倬彼雲漢盛昭回天下來先生萬象俊
小臣行抱憂中路得此慶慨然夷望歸欣聞比干贈
傷心外王父三黜坐諫爭未為召公保亟上丞相印
羣邪肆欺誣不死伏元聖闔童裂茅土僇子執魁柄
十載卧江湖齋志目不瞑誰言墮黃壤廟象飾繡衮
石槨安用營金滕渠不信因知日月星雖晦終不泯
一旦遇雷風浮雲起能病

贈雞山陳七四秀才

渥洼生駿駒丹山生鳳雛家有寧馨子慶自積善餘
粹然秀眉宇瑩徹真璠璵高聲誦論語健腕學大書
頭頭欲第一氣以凌空虛想茲顧復意何止掌上珠
更期遠騰蹈爾祖力以須

賊闖貫億萬蒼生隕其命力開湟鄯取空虛妄買燕
雲稱撫定渠魁巨蠹京其首啓亂懷奸窺我姓星文
示變折其謀固寵招權邦以罄結盤滋蔓二十載袞
繡金珠古無並金人犯闕主嬰城挈寶携孥歛星迸
舖投遠裔禦螭魅郵置風傳士相慶貫要輿駕渡重
江未嚮闔軀禍方孕西京晏然號陳魯尚戴頭顱徂
視聽怨連北強怒西兵曷日具聞典刑正願天亟下
咫尺詔斬首以梟仍以徇始初清明必孝治昭洗上
皇仁且聖怨銷怒解各歡呼國勢自強兵自勁

道逢散遣之卒云講和退師無所用之矣輒以

二十六句道胸臆

翁擁麾幢我為兒剽開竊睹皆兵機其中襲擊不容
瞬颺行電掣猶逶迤北人長驅越大河天下震驚觀
闕危肉食之謀殊未減我憤切骨其誰知慨然奏疏
金馬門力陳盟賂損國威嚴尤下策尤可笑晁錯上
書亦奚為道路荆棘初剪除花如步障吾東之八年
閉戶尺蠖屈一旦渡關匹馬馳行行側身聽戎捷忽
聞募士詔遣歸濃書大墨榜教詔曰敵悔過今退師

羽檄向來召貔虎乃詠出車哥杖杜橐兵銷刃兵猶
怒却把鋤犁農鼓舞君王神武今藝祖爾賊不歸汗
我斧

題獨樂園

范公之樂後天下維師温公乃獨樂二老致意出處
間殊塗同歸兩不惡鄙夫杖藜訪公隱步無石砌登
無閣堂卑不受有美奪地僻寧遭景華拓始知前輩
稽古力晏子蕭何非妄作細讀隸碑增慷慨端正似
之甘再拜種藥作畦醫國手澆花成林膏澤大見出
臺上飛嵩高高山仰止如公在

臺上巖崑高山仰止公并

五言律

雨晴渡關

燕北靜胡塵河南濯我兵風雲朝會合天地晝清明
泣涕收橫潰焦枯賴發生不辭關路遠辛苦向都城

其二

湯滌真成快氛霾不敢陰萬花恩澤了二麥寵光深
地勢瞻仙掌河源識帝心馬頭迎霽色詩句日邊尋
過潼關

一雨嶠函底風沙放我過嶽神猶假借官吏莫誰何

塹斷思航渡城堅戒石摩一夫工墨守寧怯萬夫多
道逢鄉人笑僕騶馬之瘦

生笑長裾曳仍羞下澤奔據鞍非馬緩叱馭豈王尊
汗血能觀國的顛終感恩莫欺騶馬瘦揮策詣金門

五言截句

題盤豆舖南李翁園

李翁卧亭午春深掩柴荆忽聞風雨響疑是勤王兵

平餘但亭千春彩針染
既盤豆鹵南李餘園
忽聞風雨響
吳嬖王兵

正言齋句

七言截句

塋妻京峴山結廬龍目湖上

一對龍湖青眼開
乾坤倚劔獨徘徊
白雲是處堪埋骨
京峴山頭夢未迴

曉渡

小雨踈風轉薄寒
駝裘貂帽過秦關
道逢一澗兵徒涉
赤脛相扶獨厚顏

華陰道中

烟遮晃白初疑雪
日映爛斑却是花
馬渡急流行小

八正堂世身卷之六
掩柳絲如織映人家

其二

管茅作屋細家居雲碓風帘路不紆坡側杏花溪畔
柳分明摩詰輞川圖

其三

寧王畫作金盆鴿韓愈詩誇玉井蓮瓦缶泥泓村落
小亂茅羣雀不堪傳

至洛

都人士女各紛華列肆飛樓事事嘉政恐皇都無此

致萬家流水一城花

華下

千岩層出亂雲飛失我平生洞府期夜據征鞍不交
睫舉頭彈指睡希夷

馬上口占

龍興虎視詫周秦王氣東遊作汴京陰祝巨靈移此
險大河為塹嶽為城

蚤發

繖幄垂垂馬踏沙水長山遠路多花眼中形勢胸中

策緩步徐行靜不譁

詩

劍大何為連燦燦

蕭興武財我固秦王康東遊亦亦京劍跡日靈跡此

馬山口古

朝舉腹軀計與赤夷

干崙曾出瀾雲深夫知平土國孤勝文難五縛不交

華下

庭萬家流木一姓芬

六言

舊作感懷

關中黃壤黑壤大是邦家利源古者敵收十一誰與

歲取十千不用府無虛月藏之斯民裕然

述懷

憂國心如奔馬勤王筆有奇兵一旦立誅禍亂千載

坐視太平

其二

黃屋肇新巍巍四方豪傑雲來片言之悞天也一見

而決時哉

題趙園

瑤瑛夾侍梅臺琴瑟自鳴松島山中野服相羊足以
亡憂遣老鑿池智有泉源種木胸無芥蒂螭頭吐水
涓涓端是銀潢一派

雜文

撫慰京城士庶檄文

兵馬副元帥宗待制契勘當府所統率軍兵奉大元
帥康王指揮會合分遣諸處人馬追襲掩截金人仍
令隨軍便宜措置自承大元帥府劄子星夜間道遠
遣使臣等徧督河北河東路州軍府將合心併力各
據要害斷絕橋梁把扼圍擊救迎二聖與諸王皇族
並后妃期還宮闕與三軍將佐効臣子死節誓報國
恩及行下大名府諸路分催諸處義兵將士五路人

馬相約掩擊去訖炤對自去年十一月以後金人登
城按甲不下假倡和議款四方勤王之兵坐敵近甸
詭詐百出使中外聲援不相接致請二聖出郊廼輦
金載帛罄竭帑藏以遂其欲又邀擁鑾輿及皇族子
孫后妃已下踰河北去及是啓行外方始知覺四方
痛切忿恨呼天號訴日月慘色豈金敵戕我中國迺
上累君父竊惟大宋一統天下祖宗功德滋休太平
自古莫比本緣奸臣誤國結怨生隙流毒遺患遂至
今日然以天下之大宗社之重天眷有宋垂億萬年

其必有在恃公卿將相一心保護廟朝安存士庶以
此見大宋之恩德甚深與天地終始其都城軍民僧
道等思慕之心豈有窮已今大元帥康王忠孝友愛
出自天性總兵於外親擐甲胄冒犯風雨欲戡定國
難輯寧方宴會諸路勤王之師不啻百萬前此守議
和信盟以俟敵退俯為生靈每戒輕動暨國家一落
敵計蒼生奈何康王聞此泣盡繼血雖草木無知亦
須悲痛左右開勉莫回便欲躍身自奮手格敵人以
刷君父之耻見不住退發人馬催督忠義士數路合

忠正堂世身 卷之六
擊雖封王建節皆許充賞期以力救駕回用慰中外
故未忍歸朝瞻望闕庭款謁宗廟與本朝諸臣父老
軍民僧道相見伏想輿情日夕願望必興念祖宗積
累之厚遽遭金人作孽致二帝播遷惟康王為宗廟
社稷所賴佇成大功禔福天下當府駐兵去都城不
遠須至詳具公移慰撫都人者

散示陷沒州縣榜文

訪聞邊寨中多是我國積善良民偶失備禦被驅擄
髡頭絞髮裝著塞服侵犯州縣其赤心忠孝思念生
處父母血屬但無路自新實可憐憫當所遣大兵前
去恐倉卒之間不暇辨別枉有殺戮汝等若不忘生
長墳墓鄉井痛心悔禍可以相助回戈掩殺北人永
為我宋太平赤子耕養自如各宜炤知

散給契丹漢兒公據

契丹漢兒自與我宋盟約幾百年實兄弟之國頃緣
權臣奸議遂結金人壞亂耶律天祚之後今將欲發
大兵過河盡行勦除又恐倉卒之際不暇辨理枉有
殺戮已約大軍期應契丹漢兒特給公據仰各收執
以為信驗

散給被擄民人公據

訪聞邊寨中多是我國良民被擄入敵想其本心忠
義實可憐憫今特遣大兵前去恐倉卒難以辨別枉
有殺戮除已出榜曉諭外合給公據付被擄之人收
執炤會大軍到日執呈免致誤被殺戮

請寧國再開堂疏

伏以山上浮雲本無心於去就海中潮水豈有意於
往來無非時節因緣要識卷舒任用寧國堂頭自家
衣鉢非徒瘦嶺傳來心地泉源便是曹溪流出吞盡
三世諸佛跳出四面八方七縱七擒縱橫妙用三仕
三已喜愠不生何妨舊店重開可謂前燈復續珠還
合浦鶴返故巢正當恁麼時請說這箇法

請海長老住蘇溪崇德疏

伏以萬法本空一性圓寂拏花鷲嶺曾虧一笑之瑕

面壁少林猶病多言之失必也忘真俗之二諦泯色
空之兩途自非圓頓之流曷致機筌之用某人長老
洞明宗旨深達祖風始出世於治平實印可於法湧
退藏密旨栖心彌勒之道場重振宗乘示跡法輪之
古刹人天共集凡聖瞻依會須振領提綱十方坐斷
若也超佛越祖一線不容除是慣戰作家能具正法
眼藏既登寶座願振潮音俯徇衆情無煩退托

請舉老住滁州寶林疏

靈山正法眼本從微笑傳來金粟不二門亦向無言
悟入必將說難說之法相與衆未衆之禪灼然開口
便差須是當仁始得某人導雲門之一派住龜鷺之
三春祖風夙振於淮壖道價浸高於海內屬寶林之
虛席合衆利以謀師既蒙赴感於隨緣何異逢場而
作戲前日瑯琊席上已示老婆心只今襄水岸頭佇
聞獅子吼

為華州作延請晝老疏

義標第一建特地之伽藍語揭前三屹衝天之宰堵
雖伏神龍之暗護亦資象數之冥搜不有當仁豈容

作禮某人性融圓覺迹契因緣定裡光明入惠持之
境界句中法令得智老之門庭願解禪包來提祖印
奮拳擲臂宜借掌於巨靈舉拂拈錘試拔蓮於玉井
不憂末劫端是本心

閩鄉麻衣寺瘦佛畫像贊

壁上瘦者乃人天師非病維摩亦非辟支學道雪山
跏趺忍饑中包太虛外示清羸方其瘦也一麻一麥
鬚髮如蓬巉巖面骨及其肥也丈六金身相三十二
為佛世尊非我癯儒亦非飛仙願此法身充滿大千
是故合堂作此偈言

題珣師休牧軒頌

青居曾露一絲頭謾示人能解牧牛究竟本來無一
物未知能使阿誰休

一乘休去已忘機恰似當初未牧時雲起雲消本無
迹有為全體是無為

空餘短笠與輕蓑道着休時事早多更向中間問消
息夜深無奈月明何

千手眼大悲偈

千手一手用千眼一眼觀用觀無差殊何必許多般

覽鏡偈

覽鏡影還在掩鏡影還去試問鏡中人却歸什麼處

佛說偈

後學要說禪教人學團謎佛祖意分明但為傳衣偈

盧行者偈

休問東西南北莫說之乎者也直饒神秀文章不似
老盧行者

千手大悲

於南身由南此莫謂之平昔也直論於後文章不似

千手大悲

於學要臨軒殊入學團結斷時表令開於然於亦斷

斷結斷

覺覺渴墨五針釵渴墨去結問意中人於結竹夢交

覺釵斷

千手一平用千眼一眼驟用一與善板而必信多疑

千手眼大悲斷

